

Կ Տ Ա Կ Ն Ե Ր

Ա. Հանգուցեալ Աթանաս Ժամհարեանը կտակել է 250,000 ռ. Կովկասում երկրագործական ուսումնարան բանալու համար:

Հանգուցեալի եղբայրներն այդ գումարի վերայ աւելացնում են 4000 դեռ. հող Գանձակի և Զիւանշիրի գաւառներում, և Շուշի քաղաքում մի տուն, որով երկրագործական ուսումնարանի անունով Ժամհարեանների նուէրը հասնում է մօտ մէկ միլիոն ռուբլու:

Բ. Հանգուցեալ Աւետիք Բալայեան Ղուկասեանի միակ դուստր Թամարի մահուամբ նրա կտակով մօտ մի և կէս միլիոն ռուբլի մնում է հայ հոգևոր բարձր իշխանութեան — Ամենայն Հայոց Կաթողիկոսի և Կ. Պօլսոյ Հայոց պատրիարքի — տրամադրութեան տակ՝ Տաճկա-Հայաստանում մի բարձրագոյն ուսումնարան բանալու և պահպանելու համար, հանգուցեալի անունով:

Գ. Մոսկվայում ապրող Սարգիս Զանումեանը, ինչպէս հաղորդում են լրագրները, որոշել է կտակել իբրև «Փօնդ» 200,000 ռուբլի, այդ գումարը տրուելու է Ս. Էջմիածնի անունով և գումարի տոկոսիքով, որ տարեկան մօտ 10,000 ռ. է լինելու, ամենայն Հայոց Հայրապետը պէտք է օժանդակի գիւղական աղքատ դպրոցներին:

Դ. Տիկին Վարվառէ Քանանեանը Վիզմիրլեան Հայրապետի անուն ֆօնդին նուիրել է 1,000 ռ.

Ս. Պետերբուրգի հայ եկեղեցին, ինչպէս հաղորդում է «Գիւղատնտեսը», յատկացրել է Տնայնագործ. ընկերութեան՝ 2,500, Էջմիածնի Ճեմարանին և Թեմ. դպրոցներին, Ախալցխայի Կարապետեան, և Ալէքսանդրօպօլի Արդուլթեան դպրոցներին 1500-ական ռուբլի գիւղատնտեսական դասընթացքներ կազմակերպելու:

Յունվարի 2-ին Ս. պատարագից յետոյ միաբանութիւնը սրտտարագչի հետ եկեղեցական թափօրով դուրս գալով տաճարից հանգուցեալ Տ. Մատթէոս Բ. Կաթուղիկոսի թաղման 15-րդ օրուայ կարգը կատարեց:

Յունվարի 27-ին Հանգուցեալ Մատթէոս Բ. Սրբազնագոյն Հայրապետի թաղման քառասունքին Ամենապատիւ Տ. Գէորգ Արքեպիսկոպոսի կարգադրութեամբ հանդիսաւոր սուրբ պատարագ մատուցուեց, որից յետոյ միաբանութիւնը շուրջառաւորուած եկեղեցական թափօրով դուրս եկաւ տաճարից և կատարեց քառասունքի կարգը ներկայ էին ձեռարանի բոլոր աշակերտները, ուսուցչական խումբը և բաւական թուով ժամաւորներ:

Յունվարի 2-ին Մայր Տաճարումս. պատարագից յետոյ հոգեհանգստեան պաշտօններ կատարուեցին հանգուցեալ Աթանաս ժամհարեանի համար:

Յունվարի 23-ին հանգուցեալ օրիորդ Թաւմարա Աւետիսեան Ղուկասեանի համար:

Յունվարի 30-ին՝ երբեմն հրատարակող «Մեղու Հայաստանի» լրագրի խմբագիր նորոգ հանգուցեալ Պետրոս Սիմէօնեանցի համար:

ԱՏԱՅՈՒԱԾ զՐԲԵՐ.

1. Ասրայէի երկերի ժողովածու հատոր Ժ.—Իրանի պատուհասները — պատկեր, արկածներ և վիպակներ, (արտատպութիւններ). Թիֆլիս 1910 թ. գինն է 1 ռ., ընտիր թղթի վերայ հատորը 2 ռ.:

2. 1911 г. Армяно—Григоріанскій Календарь, годъ изданія третій, свящ. С. Теръ Ованесянца. 20 коп.

Складъ изданія Ставрополь

3. Բագուի Հայոց մարդասիրական ընկերութեան վարչութեան ղեկուցումը 1910 թ. նոյեմբերի 28 և դեկտեմբերի 25 արտակարգ ընդհանուր ժողովին: